

## De städtische Boor.

(Trine an Annedörten.)

(De erste Breef).

Up dinen leewen langen Breef,  
Den du mi kortens schräwen,  
Unn de mi, ach! so herzlich leef,  
Will ick di Antwoort gäwen. —

Doa bin ick met min' Herrschaft nu  
Hier noa de Stadt rintoagen,  
Bin alle Doage schmuck unn glu,  
Kann't kuumhen erst verdroagen.

Wi läwen hier in hogen Ton,  
As wie de Eddellüde,  
Unn alle Doage mütt et goahn  
In luter Lust unn Früde.